

Rursus Pisam à Rauenna Libonotum uersus distare ait stadijs septingentis, per diuisionē tamē climatum, necnon horariorum interuallorum, Pisam quidem in tertio interstitio horario ponit, Rauennā uero in quarto, quin & quū Nouimagiū Britānia australius esse dicit miliaribus quinquaginta nouē, Borealius tamen per climata ostendit: Athum quoque ordinans sub parallelo, qui per Hellespontū trāsit, Amphipolim tamen & loca circūiecta, super Athum et Strymonis ostia sita, in quarto climate, ac infra Hellespontū ponit. Similiter quum Thracia ferē tota sub parallelo qui p̄ Byzantiū trāsit posita sit, uniuersas tamen ciuitates eius mediterraneas, in climate qd̄ supra hūc parallelum est, cōstituit. Quinetiā Trapezuntem, inquit, statuemus sub parallelo q̄ per Bizantiū trāsit, Sataliāq; Armeniā ostendens à Trapezunte abesse meridiē uersus, miliaribus sexaginta, secundum tamē parallelorū descriptionem, eū, qui per Byzantiū trāsit, per Satalia, & non per Trapezuntem ducit. Sed & Nilum fluuium se ueritati consonum, descripturum inquit, ex quo primum à meridie ad arctos usq; Meroē accedere uidetur, pariter et Aromatū nauigationem ad paludes, ex quibus Nilus fluit, Aparctia perfici. Veruntamen Aromata orientalia sunt quā Meroē: nam & Ptolemais ferarū orientalis est, quam Meroē & Nilus, decem dierum itinere aut duodecim: Ptolemaide item orientales existūt angustie Adulici sinus, que sunt iuxta Ocylem Chersonesum & Dyren, stadijs tribus milibus quingentis: illis uero adhuc orientalius est magnorum Aromatū promōtorium, stadijs quinque milibus.

In caput decimumquintum annot.

Emendata uniuersa cognita terre longitudine & latitudine, ostēdit in hoc capite Ptolemaeus Mariniū circa particulariū locorū longitudinē & latitudinem in diuersis opusculis, que de geographia scripsit, diuersa sensisse & planē errasse. Nam loca opposita, hoc est, in uno meridiano sita, nōnunquam in unum collocauit parallelum & cōtrā. Ex

multis autem erroribus eius, quosdam producit in lucem corrigiq;. Tarracon urbs est Hispaniæ habēs in longitudine gradus 16. in latitudine 40. Iulia seu Iol Cæsarea urbs est Mauritanie Cæsariensis habens in longitudine gradus 17. & in latitudine 33. Pyrenæi uero montes habent in long. ex parte maris mediterranei gradus 20. Pachynus promontorium est Siciliæ habens in long. gradus 40. & in lat. 35. atq; dimidium. Leptis magna est in Africa minore, ut supra signauimus capite octauo. Himera est in Sicilia, habetq; in lōgitudine gradus 37. & in lat. totidē. Theænæ uero sunt in Africa minore, & habent in long. gradus 38. & in lat. gradus ferē 32. Tergestū & Rauennā inuenies in tabula Italiæ. Canobus est in Aegypto, habens gradus long. 61. & lat. 31. Chelidonia, scopuli sunt iuxta Lyciam, habentes in longitudine 61. in latitudine 36. Acamas promontorium est in Cypro habens in longitudine 64. & in latitudine 35. Paphus quoque est in Cypro, habens gradus 64. & 35. Sebennitum in Aegypto est. 61. 31. Strymon fluuius est in Macedonia, cuius ostia habent gradus 50. 41. Athus mons est quoque in Macedonia 51. 41. Adulicum sinum inuenies in sinu Arabico, &c.

QVOD EVM LATVERE QVAE  
dam in prouinciarum terminacionibus. Cap. XVI.



Vinetiā circa regionū fines quadam eum latere, quemadmodū quum totam Mysiam ab ortu, mari terminat Pontico.

Thraciam uero ab occasu, Mysia superior. Quin & Italiam à septētrionibus solum Rhætia finit, ac Norico: sed & Pannoniam à meridie sola Dalmatia, & non etiā Italia terminari scribit. Sogdianos præterea mediterraneos, & Saccas, à meridie Indiæ conterminos esse duos insuper parallelos, & eū qui per Hellespontum transit, & qui per Byzantium, suntq; Imao monte, qui in India septētrionalissimus est Borealiores, nequaquam per dictas scribit gentes sed potius illum, qui per medium Pontum transit.

In caput decimumsexum annot.

Thracia non est ab occasu Mysiæ, ut Marinus scripsit